

\*\*\*\*\*

## RAGAD ADVERTENTIE:

Kabar premili: 1 — 30 temboeng f 1.—  
Langkoengipoen, saben 10 temboeng oetawi  
kirang: f 0,50.

Advertentie limrah: f 0,15 sagaris;  
(apes: f 1.25).  
Moendoet kapatjak langkoeng saking sa-  
pisan, oetawi moendoet dados lengganan,  
tepatang rembag roemijin kalijan admini-  
stratie.

Hoofdredacteur:

A. DJAJASEPOETRA.

kabantoe

REDACTIE - COMMISSIE.

\*\*\*\*\*

# SWARA-TAMA

## SERAT KABAR KATHOLIEK

== Medal saben dinten Djoemoewah. ==

\*\*\*\*\*

REGINIPOEN LENGGANAN  
SWARA TAMA

1-taoen . . . f 6,— } njoewoen kabajar  
1/2 " . . . f 3,— } roemijin.  
3 woelan . . . f 1,50 }

Adrèsipoen Redactie lan Administratie

IGNATIUS-COLLEGE

DJOKJAKARTA.

Telefoon no. 795.

\*\*\*\*\*

Drukkerij „Canisius“ Djokja.

## ISIN IPOEN:

Wawasan bab panggaotan lan pa-  
dagangan — Goena-krida — Elmoe  
pagemen — Kosok-wangsoel — Do-  
ngeng saking Betawi — Kabar saking  
pakempalan — Ontjén sekar gambir  
melati — Oerap-sari — Correspond-  
entie.

### WAWASAN BAB PANGGAOTAN LAN PADAGANGAN.

sambet

kalijan andaranipoen mas  
jèn Kober ing Sw. Tm.  
no. 38; Sept. '30.

(Saweg Beboeka).

Sareng koela waos karangan waoe  
wosipoen soepados: tijang Djawi  
ngadjengaken padagangan lan ka-  
goenan; lan: soepados para saged  
sami manah bab poenika sarana  
ngoei, oepami wontenipoen pa-  
moelangan kanggé sinaoe dedamelan  
(kolom 4); lan: soepados tijang  
Djawi saged gandèng pijambak ka-  
lijan negari mantja (kolom 3).

Pemanah koela mekaten:

Dados tjekak karangan waoe sa-  
geda tanah Djawi, (mbokmanawi  
langkoeng prajogi sa-Indonesia) sa-  
ged gadah autonomie pijambak ing  
bab padagangan, oetawi sageda sa-  
Indonesia njepeng daganganipoen  
pijambak. Bab poenika sampoen  
saleresipoen mila kedah mekaten;  
poen A nedya ngangkah merdika-  
ning papréntahan, poen B kedah  
ngangkah merdikaning padagangan,  
poen C ngarah bab oewaling pers  
saking prebawa kilénan, poen D  
ngangkah oewaling kesagedan sa-  
king gegamaning tijang sanès lan  
sapitoeroetipoen. Lan sedèrèk jèn  
Kober semoenipoen kepareng tjloe-  
loek bab padagangan.

Bab poenika kados para djem-  
pol oegi boten kekilapan, malah  
Soerabaja sampoen 3 (?) taoen poe-  
nika sampoen wonten importeur  
Djawi, lan sapitoeroetipoen.

Ing golongan R.K.? kados para  
ahli manggaota oegi sampoen toe-  
mandang sasaged-sagedipoen.

Namoeng soepados bab ada poe-  
nika saged saja radin, saja nggre-  
goet ing bebadan Katholiek kados-  
poendi?

Lah poenika ingkang perloe. Sra-  
nanipoen? Toelada! Kados ing be-  
badan Katholiek nasijonal Indonésia  
sampoen boten kirang. Moentilan,  
Ngajodja kados sami tjag-tjeg. Mi-  
nahasa? kopra!

Lan organa-organ kita Katholiek,  
semanten waoe oepami tjloe-  
loekipoen toewan jèn Kober waoe 100%  
katampi, soepados roentoet, laras,  
consequent, kedah oegi boten ké-  
nging sepi karangan ingkang ngge-  
pok bab poenika. Dados sasaged-  
saged saben medal organa-organ  
kita kedah wonten rubriek bab poe-  
nika ingkang isi.

Sinten ingkang ngisi? Lah poenika  
pitaken leres. Temtoe kémawon  
Redactie. Botenipoen ngisi pijambak  
oegi kedah pados tijang. Sokoe se-  
dèrèk jèn Kober pijambak, awit se-  
moenipoen pandjenenganipoen adjeg  
kober.

Botenipoen, jèn sami leganipoen,  
Redactie marengaken, kja! jèn Ko-  
ber lila, para maos lila, Goesti Al-  
lah angidini, poen Andaja sagah  
ngatoeri soembangan bab poenika  
kanti adjeg. Lan soembangan poe-  
nika boten ateges kedah dipoen-  
gega, namoeng awoedjoed barang  
dipoenpintokaken, sok sintena ké-  
nging ngitjipi, kénging njoewik, ké-  
nging alok, kénging mada, sokoe  
kersa ngersakaken, waton boten  
doeka agengipoen ngendika kasar.

Déné ingkang dipoenatoeraken  
poenapa? Inggih namoeng mligi  
bab panggaotan lan padagangan,  
manoeit lelampahan ingkang saweg  
kelampahan oetawi boekoe ingkang  
kénging pinitados, dados theorie  
lan paseksèn kasareng, soepados  
isi katah lan sekétja mlebetipoen  
dateng nalar.

Lan bab waoe boten kok namoeng  
ingkang kelampahan ing tanah Djawi  
kémawon, nanging tanah ngamantja  
oegi boten badé kasingkoer, ingkang  
soepados priksanipoen para noe-  
piksa saged djember lan djangkep.  
Mangké jèn kerep maos bab da-  
gangan lan panggaotan rak badé  
ladjeng gadah fresna, gadah roe-  
maos ketarik nindakaken: waar 't  
hart vol van is enz. lan: onbekend  
maakt enz. jèn kawalik: bekend  
maakt bemind!

Dados, jèn bab padagangan lan  
panggaotan adjeg kawedaraken, tem-  
toe dangoening-dangoe, é bebasan  
toja setetés saged mbolong séla,  
dangoening-dangoe temtoe saged  
mlebet manah. Jèn manah sampoen  
hija, boten sandé tangan poeroen  
... lo, para maos ngertos pijam-  
bak, poeroen toemandang. Botena  
nandangi pijambak, inggih anak-  
poetoe, tangga-tepalih, moerid.  
Wosipoen, waton wonten ada tem-  
toe wonten kedadosan. Saja te-  
menan adanipoen, saja ageng, saja  
ketingal tandjanipoen.

Noewoen, boten kepandjang-pa-  
ndjang kados sampoen tjeta poenapa  
kadjeng koela: koela sagah moe-  
djoedi kersanipoen ki jèn Kober  
woedjoed karangan.

Ingkang poenika njadong dawoeh.

Andaja.

Noot. Mangga, Sdr. Andaja, ladjeng katin-  
dakna kémawon! Déné manawi won-  
ten sadèrèk sanès badé toemoet-toe-  
moet moedjoedi, inggih prajogi sanget.  
Kados sdr. Andaja boten badé nga-  
wisi! Red.

### GOENA - KRIDA.

MINANGKA ÈMBÈL-ÈMBÈL!  
(Sambetipoen Sw. Tm. no. 40).

Para maos, nalika maos atoe koela  
ing ngadjeng (Sw. Tm. 39 lan 40),  
poenapa boten ladjeng kemoetan  
dateng Pangageman Mis Soetji  
tjéngkok Djawi?

Bab poenika sampoen naté ka-  
wartosaken ing Sw. Tm. no. 32:  
Kabar Katholiek; ing „De Koerier“  
2 Sept. 1930: *De Javaansche Pries-  
ter in Javaansche Gewaden*, door  
J. O. M.; lan ing „Katholieke Illus-  
tratie“ (6 Aug. 1930): *„De Javaansche  
Missie en de Javaansche Ornamen-  
tie.“*

Gandèng kalijan atoe koela ing-  
kang sampoen, kados boten tanpa  
perloe, jèn ing ngriki karembaga  
malih, manawi sampoen naté ka-  
rembag; déné manawi dèrèng, inggih  
soekoe. Temtoenipoen kémawon,  
ingkang koela djoempoet, namoeng  
ingkang magepokan kalijan orèhan  
ing ngadjeng.

Pangageman Mis Soetji poeni-  
ka kados-poendi ta warninipoen?  
Pitakenan poenika kanggé sadèrèk katholiek  
kados boten soesah koela wangsoeli. Kanggé  
sadèrèk Indonésiers sanès koela njaosi ka-  
trangan sakedik, soepados sageda gampil  
anggenipoen nggajoe ingkang koela ka-  
djengaken. — Mis Soetji poenika Koer-  
banipoen tijang Katolik. — Déné pang-  
ageman Mis Soetji waoe namoeng  
kaagem ing Imam, jèn pinoedjoe ngoedjoek-  
aken Mis Soetji. Péranganipoen katah; ing-  
kang katingal pijambak inggih poenika:  
„aleb“ (Landi: alb = djoebah petak) lan  
„kasoelah“ (Landi: kazuifel = mèmper mantel,  
pandjang ± doemoegi tjéngkok, tanpa lengga-  
an. Kasoelah kanggé wonten djawi pijambak).

Mitoeroet pakabaran-pakabaran  
waoe Pangageman Mis Soetji ing-  
kang kaseboet ing nginggil, poenika  
jasanipoen Njonjah Mèlotte-Bruins-  
ma kabantoe ing sapoenggawan-  
ipoen, inggih poenika Pekempalan-  
dondom-dondom-kanggé-Missie ing  
Geleen (= Missie-naakring te Ge-  
leen, Limburg, Nederl.), mawi mi-  
goenakaken pitedahipoen Rama  
Djajasepoetra (Imam Djawi).

„Katholieke Illustratie soeka gam-  
bar-gambarang pangageman waoe.  
Pendetan saking potrèt; kinantènan  
katrang-katragan, ingkang saged  
noeloengi pangenta-èntanipoen para  
maos. Temtoenipoen katragan-ka-  
trangan waoe ing ngriki inggih badé  
koela tjoeplik, soepados para maos  
Sw. Tm. saged gampil anggenipoen  
ngenta-ènta, kados-poendi kirang-  
langkoeng warninipoen pangageman  
Mis Soetji tjéngkok Djawi waoe.

Ing Kath. III. dipoenwonteni oegi  
gambar sembet-sembe sanès, ing-  
kang kaagem ing Grédja, sadaja  
atjéngkok Djawi. Ing ngriki kados  
sampoen tjekap, manawi koela na-  
moeng ngrembag bab kasoelahipoen  
kémawon.

Kasoelah petak: Warni boten  
petak memlak, nanging semoe djéné  
(maisgeel). Poen badé soetra damast  
(damast-zijde) lemes, wedalan saking  
Lyon (Parangakik) mawi seseratan  
pola „parang koeroeng.“ Soetra waoe  
welingan moergan, awit pabrik  
soetra ing Lyon kala semanten boten  
gaduh pola poenika. — Lo, kok  
kendel wani melingaké moergan kaja  
ngono marang pabrik soetra; lan si  
pabrik kok ja gelem nenoen soetra  
nganggo pola anèh ngono! — Ka-  
soelah waoe ngadjeng-wingking  
saking inggil doemoegi ngandap  
wonten blabaganipoen, wijar ± 10  
c. M., makaten oegi saking poendak  
kiwa-tengen, ingkang sami tempoek-  
an ing ngadjeng wonten ing djadja,  
ing wingking wonten ing geger.  
Blabagan-blabagan poenika sami  
dipoenisèni parang-roesak: plataran-  
ipoen mlindjon biroe tandes (diep  
korenbloemen-blauw), dados poenika  
bintonipoen; wewengkonipoen abrit  
soga nèm (lichtgoudbruin). Ing  
tempoekaning blabagan ing wing-  
king dipoenisèni sawat garoeda,  
wengkon-wengkonipoen petak. Ing  
tengah-tengahing sawat waoe Chris-  
togram petak memlak. Dados Chris-  
togram poenika njoelihi poen djadjaning  
garoeda.

Kasoelah abrit. I. Badé: soetra  
Hongkong (Hongkong-zijde), warni  
abrit, boten branang (mat-rose-rood).  
Blabagan namoeng kawoedjoedaken  
ing plisir djéné mas. Tempoekaning  
blabagan ing wingking woedjoed  
sawat garoeda, awarni: biroe sepoeh  
(diep blauw), kapoeranta sepoeh

(donkeroranje) mawi sawoer djéné lan  
idjem; ing tengah-tengahing sawat ga-  
roeda waoe aksara I.H.S. (I (J) esus  
Hominum Salvator = Sri Jesoes  
Paneboesing manoengsa) petak mem-  
lak kaplisiran biroe.

Kasoelah abrit. II. Badé: sami  
kalijan no. I. warni oegi sami. Bla-  
baganipoen isi pola: *kembangan  
sindoer*; ler-leranipoen kapoeranta  
sepoeh (donker oranje), sekaripoen  
biroe nèm. Penoeoetempoekaning  
blabagan wingking awoedjoed tje-  
plok madjeng nèm, warni biroe  
nèm sanget mawi tjatjahan gori  
biroe sepoeh. (zacht heél licht blauw,  
doorkruist van donker blauwe lijnen),  
ing tengah aksara I.H.S. djéné mas.

Potonganing kasoelah-kasoelah  
waoe kados ingkang sampoen ka-  
agem ing Pasamoean Soetji (de H.  
Kerk): tjakrik *gothisch*; déné tjakrik  
Ramaansch, ingkang oegi sampoen  
kaemoemaken ing Pasamoean Soe-  
tji, boten kapilih. Kénging poenapa  
kok tjakrik gothisch mawi bedja  
kapilih? Margi radi nglobbroh; lan  
margi nglobbroh poenika kados  
katingal langkoeng semoea!

Kados semanten kémawon sam-  
poen njekapi kanggé nglimbang-  
nglimbang.

\* \*

Lah, sapoenika kados-poendi lim-

banganipoen?

Jèn koela, ada-ada ingkang kados  
makaten poenika pntes koela ke-  
plok ambal-ambalan kanti alok-alok  
„Bravo!!!“ Sababipoen?

1e. Awit poenika rak nama nga-  
djengaken *goena-krida Djawi*. Poe-  
napa migoenakaken, ngagem goe-  
na-krida-Djawi boten nama nga-  
djengaken? Malah kados kénging  
kawastanan *ngadjengaken* sajektos,  
djalaran ada-ada waoe boten na-  
moeng ngipoek-ipoek anggegesang  
ingkang sampoen mèh pedjah ka-  
liren, andjedjegaken soloer sèng-  
klèh; nanging njoeboeraken njoekani  
rambatan énggal.

Sinten kémawon ta ingkang boten  
pirsa, jèn kasoelah lan saprabotipoen  
poenika barang kabetahan énggal  
toemrapipoen bangsa Djawi? Sinten  
kémawon ta ingkang badé poeroen  
tjloe-  
loek, jèn kasoelah poenika ing  
djaman roemijin inggih sampoen  
dados pangagemanipoen bangsa  
Djawi kaprah? Sinten ingkang sam-  
poen naté mranggoeli awer-awer  
oetawi tanda jèn roemijin sampoen  
kaprah? Sinten ingkang saged ne-  
dahaken, jèn ing desa kana oetawa  
ing désa kéné kasoelah maoe ija  
isih nganggo. Kados poenika boten  
soesah koela oeloer-oeloer, awit  
sampoen tjeta sanget. Dados kasoelah  
tjéngkok Djawi poenika tegesipoen  
rak goena-krida Djawi toemantjip  
ing tantjeban énggal oet. goena-krida  
Djawi angsal golongan énggal. Poe-  
napa poenika boten nama mijaraken  
djadjahanipoen goena-krida Djawi?  
Poenapa boten nama ngadjengaken  
sajektos?

Namoeng kémawon mbokmanawi  
wonten pitakenan mekaten: „Lo,  
nanging apa koewi (ada-ada maoe)  
ija bisa tjotjog karó goena-krida  
Djawi? Apa Djawané isih diloeng-  
goehi? Apa koewi bisa dadi paga-  
wéané wong Djawi? Apa mengkono  
maoe ija bisa maremaké rasa Djawi  
marang sroewa édi lan pèni?“

Déné wangsoelanipoen kados me-

katen:

Sadaja ingkang katindakaken ing  
ada-ada waoe kados saged katin-  
dakaken ing bangsa kita; malah  
boten nama lampah énggal. Awit  
bab mbloedir mawi gim oetawi  
mawi benang soetra (njongkèt) poeni-  
ka rak inggih katindakaken oegi ing  
bangsa kita, sanadjana boten kaprah  
soemabar. Malah nenoen badé mawi  
pola Djawi kados bangsa kita oegi  
saged. Namoeing kémawon bangsa  
kita ing kalih-kalihipoen (mbloedir  
lan nenoen) bokmanawi taksih saged  
noelad pirantos (werktiugen) lan  
réka-rékanipoen (techniek).

Bab saged maremaken oet. boten-  
ipoen, kénging poenapa boten saged?  
Oeger sampoen mangertos kasoelah  
(sapisan engkas, koela ing ngriki

namoeng ngrembag bab kasoelah-  
ipoen, nanging rembag koela waoe  
kénging oegi katoemrapaken ing  
prekawis sanèsipoen) poenika poe-  
napa? Sinten ingkang ngagem lan  
jèn pinoedjoe poenapa? makaten  
saladjengipoen. Lah, jèn sampoen  
poenapa ladjeng boten saged milih  
pola Djawi, ingkang sampoen ka-  
lampah, oet. jasa pola énggal (tém-  
toenipoen ingkang saroedjoek kalijan  
raos Djawi?) Lan poenapa ladjeng  
boten saged milih warni (kleur) ing-  
kang tjotjog kalijan raos Djawi? Lah  
jèn makaten, kasoelah waoe poenapa  
ladjeng boten nama tjéngkok Djawi;  
lan poenapa ladjeng boten saged  
maremaken raos Djawi dateng sroe-  
wa édi lan pèni?

Nanging sanès wangsoelanipoen,  
manawi wonten pitakenan mekaten:  
apa kasoelah weton Geleen maoe  
ngesrekaké kekarepané, rasa-rasané  
bangsa Djawi?

Poenika goemantoeng dateng poen  
kasoelah waoe pijambak. Jèn koela  
matoer: „sae“, kados koela boten  
badé kawastanan: „pangalemé tanpa  
doega.“ Tjebi kaprika pijambak  
kasoelah-kasoelah waoe, kados ing-  
kang sampoen koela atoeaken priksa!  
Poenapa poen warni boten ma-  
toek? Poenapa poen pola dédé tjakrik  
Djawi? Poenapa pola parang-roesak  
oet. sawat-sawat waoe boten sa-  
roedjoek kalijan kadjengipoen ka-  
soelah? Makaten saladjengipoen.

Njonjah Mèlotte-Bruinsma sa-  
poenggawanipoen lan Rama Djaja-  
sepoetra kados boten badé doeka,  
jèn koela matoer blaka: „Kados dè-  
rèng sampoen, dèrèng ngesrekaken  
sanget dateng pikadjenaning raos  
koela Djawi!“ Djalaran poenika  
prasasat sampoen kados mestinipoen:  
1e. poenika rak saweg nama ada-  
ada sapisanan ta? Poenapa ada-ada  
sapisanan poenika ingkang katah-  
katah ladjeng dados tanpa koetjawa?  
2e. Poenika bokmanawi kabekta  
saking angèling anggenipoen Rama  
Djajasepoetra ngleksanani ingkang  
dipoenkarsakaken. Awit kados-poen-  
di, Rama Djajasepoetra waoe noen-  
toen tijang ingkang tebih saking  
djagad Djawi, boten patos paham  
dateng raos lan krida Djawi. 3e.  
Poenapa ada-ada waoe kémawon  
nama gampil? Tijang, kedah moelat  
ngiwa-nengen poenapa ingkang ka-  
karsakaken ing Pasamoean Soetji  
lan poenapa ingkang kinadjengaken  
ing raos Djawi? Lan kados-poendi  
sagedipoen gatoek mak sreg!

Amrih terangipoen: sawat ing  
kasoelah dipoenisèni aksara I.H.S.  
kanti katingal sanget. Poenika sa-  
tléraman oet. sakenjaman mitoeroet  
raos Djawi katoelik kados sampoen  
manggèng. Mila manggèng, jèn pola  
sawat kaagemaken dateng Imam  
ingkang saweg ngoedjoekaken  
Koerban, djer sawat poenika mra-  
tjihnani loehoering ingkang ngagem,  
lan Imam, ingkang saweg makaten  
poenika, mila karasoekan pangoe-  
waos loehoering-loehoer. Nanging  
loehoering-loehoer waoe namoeng  
krana Goesti Jésoes; milaniipoen  
aksara I.H.S. ingkang dados tetenger-  
ipoen Asmaning Hjang Paneboes,  
inggih poenika Goesti Jésoes, am-  
bangan toemoenggoeling poen pola  
sawat. Poenapa makaten poenika  
boten mitoeroet raos Djawi lan Ka-  
toelik? Poenapa boten manggèng?

Éwasamanten, manawi raos koela  
Djawi koela tiling-tilingaken sanget,  
kok ladjeng wonten soewanten ing-  
kang dèrèng lega. Aksara I.H.S.  
waoe karaos kirang aloes, keblè-  
kènen. Asmaning Goesti Jésoes ing-  
gih tetepa dados toemoenggoel, na-  
nging tetenger mawi aksara waoe  
poenapa boten kénging kagantos  
tetenger sanès, soepados langkoeng  
aloes? Oepaminipoen: Oelam, tjem-  
pè, pangèn, peksi Pélikan l.s.s.  
Poenika sadaja rak tetengeripoen  
Goesti Jésoes (symbool)!

II. Keplok-keplok lan alok-alok  
koela „Bravo“ poenika kabekta oegi  
saking mareming manah Katholik  
Djawi.

Dawoehing Pangéran: „Sira tres-  
naa marang Pangéran Allahira, kla-  
wan goemolonging atinira, toewin

### R. K. HOLL. INL. SCHOOL ÉNGGAL ING AMBON.

Betah goeroe Katolik kakoeng, ma-  
wi diploma Kweekschool; jèn wonten,  
ingkang sampoen agarwa. Blandja lss.  
kados ing goepermènan; malah inggih  
mawi gratificatie, jèn mila pantjèn ke-  
dah mawi. Serat lamaran kakintoena  
dateng Administratie Swara - Tama.



# KABAR PAKEMPALAN.

## Verslag verificatie comm. Roekti Woeri.

Ingang sami nandani ingandap poenika C. Soegiri, J. S. Padmawijata lan B. Djaja Endra warganing Verificatie Comm. Roekti Woeri, sampoen niti priksa boeko-boeko toewin kas kanti katjotjogaken kalijan kwitantie-kwitantienpoen, sadaja pinanggih tjotjog. Doe-moegi poengkasaning taon 1929, kawontenaning arta kados ing ngandap poenika: wonten ing girorekening f 1010 — " " depositorekening f 3350 — " " kaspenningmeester f 424,03<sup>3</sup> goenggoeng f 4784,03<sup>3</sup>

Ngajodjakarta kaping 1 October 1930.

wg. C. Soegiri  
wg. J. S. Padmawijata  
wg. B. Djaja Endra.

## Kabar saking pangreh Roekti Woeri.

Gandeng kalijan verslag Roekti Woeri kasabat ing nginggil, pangreh njaosi pira meng-gah kawontenanpoen Roekti Woeri ing poengkasaning woelan September 1930 i. p. sasampoenpoen Roekti Woeri djangkep KALIH TAOEN trep.

Tjatjahing warga SAWEG.....178.  
Mila koela mawi temboeng SAWEG amargi koela gadah pangdjeng-adjeng, katah sad. Katholik ingkang badé mlebet dados lid. Mangga para sadèrèk koela atoreri njant-sakaken jasanipoen iboe kita P. K. W.

Katahing arta ingkang sampoen loembet resik wonten f 8700. Resik tegesipoen ragad-ragad sampoen dipoenpendetaken. Dadas ingkang nama gadahanpoen Roekti Woeri wonten f 8700 + f 2000 (dana saking R. A. Soelastri) = f 10700.

Jatra f 10700 poenika sadaja kanggé premereserve, tegesipoen kanggé ndjagèni jèn wonten warga tilar donja. Sageda netepi koe-wadjibanipoen datang ahli warisane.  
Jatra f 10700 waoe kasimpen wonten ing Ned. Ind. Escompt Mij, sabèn taenipoen miktatoekaken rente langkoeng saking f 450, oetawi sawoelanipoen langkoeng saking f 3750.

Poenapa wohipoen Roekti Woeri poenika sampoen maremaken? ? ? ? ?  
Soemangga kagalih piyambak!

Oepami roemijin Roekti Woeri boten di-poenpendetangi poenapa sadèrèk Djawi Kath. saged nglempakaken banda semanten ewoe katabipoen?

KOENTJARANING ROEKTI WOERI  
ateges KOENTJARANING GOLONGAN KATHOLIEK.

Poenapa pandjenengan boten prihatos sa-

gedipoen golongan Katholik saged, MON-TJER. saged KOENTJARA? ? ? ? ?  
Pramila karsaa mbantoe Roekti Woeri, sarana dados lid.

Toer arta pandjenengan BOTEN ITJAL djer badé pandjenengan tampi malih béndjingpoen.

Toer pandjenengan ndjagi kawiloedjenganpoen GARWA POETRA, jèn wonten aral kapoendoet ing Pangéran ing samangsa-mangsa.

Toer pandjenengan damel MONTJERING golongan Katholik priboeimi.  
Mangga para sadèrèk koela atoreri gèk TJEKAT — TJEKET.

Taklim:

Pangreh ROEKTI WOERI.

Pèngget: Jèn badé moendoet keterangan, jaarverslag, serat paneda dados warga, moegi kintoena serat dateng R. J. SOEDONO Tamansari

Djoka.

Sampoen Roekti Woeri sampoen poe-roen nanggal f 1000 (sawoe roepijah).

Para sadèrèk warga R. W. ingkang ngin-toenaken premienipoen dateng Pangreh sara-na postwissel, moegi RECU saking postkan-tor kaanggepa voorloopeige kwitantie roemijin.

## Paloepi Darma.

Kala Ngahad tg. kaping 5 October 1930 Paloepi Darma tjab. Soerakarta ngwontena-ken pepanggihan wonten ing Kath. - School Poerbajan ngiras mèngeti 5 taenipoen adeg-ing pakempalan poenika. Ingkang datang wonten sèketan langkoeng. Pangarsaning H.B. sad. Soepoedja. oegi rawoeh. Pakempalan kawitan djam 9.30. Sad. Soepoedja ngendikakaken srana-srana moerih adjenging pakempalan sarta mèmoeji, moegi-moegi P.D. tjab. Soerakarta sageda saja katah warganipoen lan teroes madjeng. Bakda poenika sad. Soeharsa ngandaraken toedjoe-toedjoening lan srana-srananipoen pak. P.D. kanti gam-blang. Pamedar sabda mendet toelada warni-warni. Ingkang poenika ndadosaken saja terangipoen para warga. Pamoejdinipoen pamedar sabda, moegi-moegi P.D. tjab. Soerakarta sageda saja soeboer gesangipoen. Satelesing pangandika, ladjeng sami dipoense-gah loetjon lan soelapan, sinambi ngoendoek wédang lan dahar njamikan. Toekangipoen soelap mila djempol saestoe. Ingkang dados laré H. I. S. Poerbajan. Sadaja sami seneng toewin lega manahipoen. Kinten-kinten djam 12 parepatan katoetoep.

TIJANG NINGALI.

goemolonging soekmanira, sarta goemolonging boedinira." Dados boten badé kekatahen, malah sampoen mestinipoen, manawi poenapa-poenapa ingkang roemaoes kita kados loehoer, pèni lan éndah, kasa-osaken lan kanggé ngabdi ing Pa-ngéran; toewin migoenakaken sa-moebarang ingkang noeloengi pa-ngabdi kita. Lah, poenapa pangageman M s Soetji tjéngkok Djawi boten badé noeloengi anggèni kita ndèrèk ngoendoekaken Koerban kita moerni? Poenapa poenika boten nama migoenakaken sarwa édi lan éndah (mitoeroet raos Djawi) kanggé pangabdi kita dateng Pangéran? Poenapa pangabdi oetawi katresnan kita dateng Pangéran boten ladjeng saja kanti goemolonging manah?

"Geleen heeft het dus het eerst gewaagd, de Javaansche ornamentiek in de kerk te brengen. Het resultaat zal, dunkt ons, op Java de bewondering en sympathie van de kath. Javanen inoogsten. Als de kath. Inheemschen die heerlijke, vorstelijke batik-patronen zien prijken op de heilige gewaden in den dienst van Koning Christus, als zij die vele andere kerkkleedjes, smaakvol verrijkt met Javaansche versierings-motieven, aanschouwen, zullen ze niet alleen met bewondering en dankbaarheid vervuld worden, maar ook geprikkeld tot navolging." \*) Makaten A. Soegijapranata wonten ing Kath. Illustratie 6 Aug. 1930 waoe.

Panginten makaten poenika kados inggih boten badé mlèsèd!

TH.

## OPVOEDING.

### ÈLMOE PAGEMÈN.

Kanggé kita bangsa Wanita, watek gemi poenika kedah kita enggèni. Mandar tjapet-tjapet koela sampoen naté maos wonten ing "De Koerier" ingkang wosipoen, manawi wonten satoenggiling pawèstri ingkang watekipoen ngebrèh, boten gemi, poe-nika sampoen (adja) ngaken jèn laré èstri. Lan laré ingkang kados meka-ten poenika béndjing jèn émah-émah temtoe inggih boten badé saé pa-njpepenging kas-janipoen. Kadjawi poenika watek gemi poenika mila sampoen dados watekipoen pawèstri. Boten pertjadosipoen, tjabi koela atoreri ngjektosi: tjang sepoeh ingkang doendoem tetedan dateng anak-anakipoen. Anak èstri sasampoenpoen tampi doem-doeman, temtoe ladjeng namoeng kateda salimrahipoen, tirahanipoen ladjeng dipoen-

\*) Tjara Djawinipoen labragan: "Dados Geleen ingkang poeroen miwiti nglebetaken patjak Djawi kaagem ing Grédja. Sadèrèk Djawi Katoelik kados inggih badé nampi kanti raos seneng lan kanti raos ngroedjoe. Manawi Indonèsiers Katoelik njawang pola loehoer-loehoer waoe kaagem ing pangageman angker (soetji) kanggé ngloehoer-aken Sang Ratoe Kstoetj, lan sembet-sembet sanès rinangga édi mawi patjakan Djawi, boten namoeng badé seneng lan roemaoes noewoen, nanging badé kraos oegi kagèndèng nembak."

teksih ketingal mlarat. Koela mendet oepami ing postspaarbank, mergi poenika satoenggiling papan panjimpenan arta ingkang oemoem lan tanggon.

Kadjawi poenika laré kita kedah dipoenngretos - ngretosaken dateng ginanipoen njèlengi, ngantos laré ketarik gadah nijat (grengseng) pijambak. Lan malih sampoen ngantos laré ngertos dateng ingkang nama oetang, ngemping (voorschot) sasynoniemipoen. Oepami laré dipoenvoorschoti blandja oetawi dipoenoetangi poenika boten saé.

Kanggènipoen tjang njamboet damel prenatal voorschotan poenika saleresipoen inggih boten saé. Awit gesangipoen wiwitan teroes doemaw wonten ing samboetan, manahipoen temtoe boten tentrem. Mila para werkgevers inggih prajogi ndjagi, sampoen ngantos njoekani voorschot dateng berahipoen, jèn boten preloe sanget. Déné para berah (arbeiders) inggih ndjagi sampoen ngantos njoewoen voorschot, jèn boten preloe sanget. Menawi kalih-kalihipoen sampoen toenggil toedjoe, temtoe badé langkoeng saé toemin-dakipoen.

Sampoen semanten kémawon roemijin, béndjing jèn wonten wekdal koela damel oelar-oelar bab Coö-peratie ingkang gandeng kalijan èl-moe pagemèn. Marge temboeng Coö-peratie kalijan economie poenika tansah gandeng.

C. Soedijati. Wedi.

## V A R I A

### DONGÈNG SAKING BETAWI I.

Goebahanipoen S. lid R.K.D.B.

(bab pamoelangan, tradjang Katoelik, padagangan l.s.s.).

Sareng poen S. maos dongèng warni-warni wonten ing Swara-Tama ngriki, dongèng saking njai pé-kawé badé bama pastoor Hoevenaars, bab tjang pradan, bab veertiende-club lan sanès-sanèsipoen, koela kepéngin ndongèng gentos.

Koela badé ngandaraken babad-

## VAN LITH-STICHTING.

### Poenapa pandjenengan sampoen ngintoenaken CONTRIBUTIE?

Penningmeester V. L. S.

p/a 2e. Convict

MOENTILAN N. I. S.

babadipoen R.K.D.B. manoeit sapa-mireng lan sasomerep koela, margi koela pijambak sanès djempolan èrkadébé, nanging namoeng lid ingkang asring remen tjloeboek.

Ing Soera-Katholik R.K.D.B. verslag-ipoen sampoen asring kamot, lan para sadèrèk temtoe taksih enget bilih èrkadébé mekaten ringkesan saking oekara Roekoning Katholik Djawi Betawi, lan oegi asring kapertal dados Roomsche Katholik Djawa Bond. Bond poenika èstoenipoen satoenggiling pentil kawé ingkang boten dangoe temtoe énggal badé dados woh, margi pangrehipoen sampoen tata-tata samestnipoen, makaten oegi promotor lan pamomongipoen ingkang asma rama pastoor Beekman, Imam saking gotrah Fransiskoes.

Sampoen koela atoreraken jèn èrkadébé mekaten pentil kawé. Nanging soewaoe kaangkah badé kadadosaken pépèkadé, nanging boten èstoe, margi kamanah kirang djempolan ingkang badé nandang lan radi moetawatosi, margi jèn katan-djing kalijan partij poelitik sanès<sup>2</sup>-ipoen taksih nama kontit sanget, toer oepami dados pépèkadé kekatahen soelajanipoen kalijan antjasipoen sang hjang Kalidjaga alias rama Beekman, ingkang mempeng soepa-dos dados kempalan agami saémba okaka ing Moentilan alias Oebaling Katresnan Katholik, lan soelaja kekatahen sanget kalijan betahipoen ingkang sami ada-ada kala roemijin, para prijantoe ing Kebondjeroek, kampoeng doenoenging standarschool Katholik ingkang sapisanan ing kita Weltevreden, ingkang soewaoe soepados èrkadébé dados pakempalan njèlengi saénta hartadaja alit-alitan.

Mila soepados dawah tengah, sami maremipoen lan énggal toemin-dak, ladjeng kainger kaeneraken dateng kawé.

Béndjing poenapa R.K.D.B. badé malih dados kawé, poen S. dèrèng saged ngatoeraken.

\*\*\*

Bab pamoelangan ingkang perloe kaatoeraken, kédjawi pamoelangan Standaard kados ingkang kaatoer-aken ing ngingil, ingkang saweg kabikak kala Slasa 1 April dèrèng dangoe poenika, lan sapoenika sampoen gadah moerid wetawis 70, taksih wonten malih sekolah Melania 2, ingkang klempakipoen moeridipoen boten kirang saking 300! Lan H. I. S. ingkang nama van Lith-school, moeridipoen boten kirang saking 140, dados laré Betawi ingkang sekolah ing pamoelangan Katoelik sapoenika boten kirang saking 500.

Bab pamoelangan Walandi lan A. M. S. badé kaatoeraken ing dongèng tjandakipoen.

Sinten mengsah oetawi kembaranipoen aksi kita ing babagan onder-wijs, ingkang perloe kaatoeraken roemijin Taman Siswa, ingkang ing taen poenika jasa ha-i-ès njangkak aben adjeng kalijan pamoelangan Melania ing Kebondjeroek, kampoeng lairipoen pakempalan èrkadébé.

Kedjawi poenika ing sanès pang-gènan Taman Siswa inggih gadah H. I. S. lan Schakelschool (ing Tanah Abang). Moehamadiah oegi boten kantoen, sasomerep koela apes wonten H. I. S. kalih ingkang dados gadahanipoen pakempalan waoe. Namoeing semoenipoen ingkang sa-toenggal (ing Betawi, Gang Kadji) radi rekaos gesangipoen.

Bab ébah-ébah poelietiek seke-dapan poenika V. C. lan P. P. K. I. ketingal anggreseng, namoeng bab roewed - roewedan P. N. I. boten wonten.

Bab tjang pradan kados dongèngipoen bakjoe Soekatja ing Swara-Tama no. 38, ing Betawi boten wonten, namoeng bangsa aksara nglegena, toer aksara latijn, sanès aksara Djawi! katalah. Malah poenika ingkang dados sesekaring pasamoean sèket taenan. Kabariipoen aksara nglegena waoe asli saking Chicago, reclame salah satoenggiling maska-pé film! koela mireng kémawon oen-djal ambegan, toedjoenipoen boten soemerep pijambak.

Mireng bab nglegena-nglegenanan waoe koela jakin dateng temboengipoen tjang aksara latin pijambak: Der Untergang des Abendlandes! soereming soerja kilénan.

Malah koela kala kesasar dateng Pasar Gambir oegi mekaten: Moetyaraning pasamoean, édi-édining pahargian karadjan, ingkang dados gotèking rembag, ingkang dados woding pengaleman, ingkang dados tjingaking paningal, ingkang dados isèn-isèning pangangen-angenipoen para ningali inggih namoeng gebjaring daging lan koelit ingkang tanpa warana. Bakjoe Soekatja, pandjenengan leres, boten lepat tjloe-loek poepoer sadoeroengé bendoed.

Keng raji poen S. kèmoetan poenika sadaja, ngèmoeti koela pijambak laré èstri, manah koela bebeg, loeh koela tjeroetjosan. Koela sinaoe basa mantja ngaja-aja, tjang mantja soeka toelada kados mekaten! Bakjoe Soekatja, mangga sareng njamboet damel!

Mila leres rama Pastoor jèn ngin-toenaken djedjaka dateng ngatebih kedah ngatos-atos, sampoen toendogkap pamilihipoen .....

Para maos! atorer koela poenika njata! lan dèrèng mantra lan njata-nipoen! oepami pèn koela poenika wani, temtoe koela teroesaken, margi lèlampahan ing Pasar Gambir waoe boten ngintin jèn saged kelampahan wonten ing ... Indonesia.

Sareng koela mlebet ing stand wajang wong Solo, manah koela asrep. Ing rikoe wedaring kaboedajan Djawi. Inggih leres boten sepi ing bebaga, nanging bédanipoen boemi langit! "O, werkelijk man! de wereld is werkelijk slecht!" mekaten pambengokipoen kanta koela, boten Katholik, sareng doemoegi grija, soemerep lèlampahan ing Pasar Mondar-mandir waoe.

Tjobi semanten roemijin, béndjing éndjing kaladjengaken.

Kwitting, October 1930.

## KASARASAN.

### KOSOK - WANGSOEL.

Sareng maos Sw. Tm. No. 40 — 3/10-'30 lembaran 2. karanganipoen sad. P. Brata Amisèna, (bab oeroes<sup>2</sup> tjarakè) koela kepekasa ngatoeri boek-ti sawetawis.

Nalika koela dèrèng sekolah, sampoen menengi tjang pedjah, sebab oeroes-oeroes mawi tjarakè. Tjjang waoe èstri ± saweg oemoer 25 taen. Boten roemaoes sakit poenapa-

poenapadipoendongèngi bab tjara-kèn (kados pendjenengan) déning tangganipoen. Woensana kepéngin oeroes-oeroes teroes neda tjarakè 4 idji. Sareng wantjinipoen moeroes, padaran teroes sakit; dèrèng ram-poeng anggènipoen moeroes, tjjang waoe teroes pedjah.

Wonten malih laré djaler ± saweg oemoer 8 taen. Dipoenjajana déning tjang sepoehipoen, jèn padaranipoen kotor. Mila ladjeng dipoenooes-oeroesi mawi tjarakè 2 idji. Dèrèng rampoeng pamoeroesipoen, laré waoe oegi pedjah.

Let sawatawis taen malih, wonten tjang djaler, sembada, gagah-prakosa, ageng inggil lema, kepéngin njobi oeroes-oeroes mawi tjarakè 10 saemplukan. Dèrèng ngantos moeroes, teroes padaran kraos molak-malik sarta bentèr sanget, boten antawis djam, teroes pedjah. Tjjang waoe ± oemoer 30 taen.

Wonten malih tjang djaler né-néman, oegi oeroes-oeroes mawi tjarakè 3 idji, boten pedjah, nanging pamoeroesipoen kanti sakit sanget, gondangipoen kraos bentèr sarta kelèt, raosipoen kanggé ngoeloe idoe kémawon rekaos.

Sedaja ingkang koela atoreraken waoe, tjangipoen boten noenggil doesoen, lan boten noenggil taen. Namoeing loegoe ngatoeraken sasomerep lan sapemireng koela, mawi paseksènipoen ahli-waris sarta tjang ingkang toemoet njipati.

Atorer koela poenika boten nijat badé njoelajani kalijan ngendikanipoen sad. P. B. Amisèna. Awit pendjenenganipoen mesti oegi kagoengan boekti saha seksi maewoe-ewoe, njata boten moeta-watosi, mandar migoenani. Jèn namoeng trimah sembarang oeroes-oeroes kémawon, sad, ndoesoen katah sanget ingkang nganggé: gembrot, "ron katémas." kabar raosipoen inggih étja sanget. Kloeban, "ron djarak kebo." kabar, raosipoen inggih njampleng. "Blondo klapa." pendamelipoen kados tjaranipoen tjang damel lisah kientik. (krèntjèng), poenika raosipoen inggih tjiespleng. enz.

Senadjan koela boten badé nje-pèlekaken pemanggihipoen pepoen-dèn koela Djawi, nanging rehning panggoela-wentahing badan poenika boten gampil, mila sampoen ngantos mawi wewaton "tjòbèn-tjòbèn." Lepat-lepat woeroeng dandanan saestoe.

Mila aloewoeng kètjalan arta sakedik, lan rekaos sawatawis, jèn sampoen mawi wewatonipoen dokter, senadjan doemoegining tiwas pisan, boten badé dados parang toetoehan.

Woensana mangsa borong ing panglimbangipoen pijambak-pijambak. N. B. Koela oegi boten netep-aken kalajan mesti. jèn pedjahipoen tjang - tjang ingkang koela atoreraken waoe sebab saking tjarakè. Saged oegi jèn sesarengan. Nanging dadakan ingkang ketingal, djalaran saking tjarakè waoe.

KRESNOAMIDJOJO.

## PAMANGGIH KOSOK-WANGSOEL.

Noewoen koela maos andaranipoen sad. P. Brataamisèna ing Sw. Tm. No. 40. tg. 3/10-'30. lembaran 2. ingkang nerangaken bab tjarakè kanggé oeroes - oeroes raosing manah pak pendeleng, djalaran roemaoes kosok - wangsoel, saking roemaoes koela tjotjog kalijan tjarijosipoen prikantja ingkang sampoen nglampahi oeroes - oeroes nganggé tjarakè, sarta tjarijosipoen tangga tepalih ingkang kerep njomerepi tjang kasangsaran djalaran saking oeroes-oeroes tjarakè makaten; tjang sasampoenipoen neda tjarakè let sawatawis djam padaran kraos pating plilit saja dangoe oesoos kraos kados dipoenooeroet, tenggorokan bentèr salit, sawatawis djam malih kedah beboetjal, nalika beboetjal padaran tansah kraos sakit pampetipoen angèl, ngantos kénging kawastanan manawi dèrèng toeras babar pisan, dèrèng saged pampet. Katah sanget ingkang badan ngantos kraos djekoet (drodok) lambé wèl-wèlan, toemoenten soemapoet, mantoenipoen djam-djaman; amila koela tjotjog kados tjentanganipoen Rama Redacteur toemoenten kasowoenaken priksa dateng tjang ingkang ahli bab djampi - djampi, malah paringipoen katrangan awon saénipoen tjarakè kanggé oeroes-oeroes koela ngadjeng - adjeng soepados kapatjak ing taman Sw. Tm. ing riki, minangka tjetjolak andaranipoen P.Br. ingkang kosok-wangsoel kalijan koepia koela!

Koela P. E. KAR.

## CORRESPONDENTIE

Abn. 258. Kita Adm. sampoen tampi postwissel pandjenengan. Noewoen! Sarehipoen pandjenengan kanggé taen '30 lan Kwt. I taen '31 sampoen sah, milaniipoen arta kintonan waoe ladjeng koela anggé nitij kanggé Kwt. II lan III taen '31. Dados ing taen '31 namoeng kantoen Kwt. IV ingkang taksih kedah kabajar.

M. ing Dj. Solo. Redactie sampoen tampi karangan pandjenengan; nanging saking katabing kopi dèrèng saged nglebetaken.



## KABAR KATHOLIEK.

Grédja Samaitan kekirangan jatra. Goesti ingkang badé sinéwaka ing ngrikoe moendoet pisoengsoengi-poen para ambek darma Katholiek.

Doesoen Samaitan poenika doe-moeneng wonten ing salèripoen Ass. Toeri, ing tepis wiringing redi Merapi ingkang sisih kidoel. Tebih-ipoen manawi saking district Sléman oedakara wonten 8 pal. Doesoen waoe sanadjan sanget kloetok tak-toek, sepi pa - pi tanpa wonten kami-soewoeranipoen poenapa - poenapa, amargi sembahjanganipoen para soe-mengka tresna ing sesami, katah sadèrèk ngrikoe lan koekoebanipoen ingkang rinangkoel ing Sang Kristoes sinengkakaken ing ngaloehoer dji-noendoeng dados poeta Dalem ke-kasih.

Ngèneti sangeting katjingkrang-anipoen, sadèrèk ing rikoe, poenapa déné tebih lan awoning margi sa-king Samaitan dateng Medari, milanipoen perloe dipoenadegaken Grédja ingkang langkoeng tjelak.

Dilalah karsaning Pangéran, ing Samaitan ngrikoe wonten lodji pa-tirahanipoen tijang Djepang ingkang dipoensadé. Lan kelampahan oegi lodji waoe dipoenpoendoet ing Mis-sie.

Wiwit nalika poenika ing Sama-itan saben kemis ladjeng wonten Korban Mis Soetji; makaten malih tjatjahing tijang Katholiek lan para magangan saja dangoe saja ngrebda, ndjalari manawi dong dinten ageng lenggahipoen para ingkang andèrèk Mis sek - sekan boten kanten - kan-tenan amargi roepekeng papan.

Prakawis poenika mesti kémawon ladjeng dados penggalihanipoen Pa-ngrèh Missie, kados-poendi ichtijari-ipoen moerih ing rikoe toemoenten ka-edegan Grédja. Sang Kristoes ingkang tresna sanget dateng tijang miskin tjeta wéla-wéla anggènipoen paring sih pitoeloengan, katanda boten let dangoe, ing Samaitan karawoehan satoenggiling randa loehoer Katho-lik moersid tilas garwa tijang loe-hoer ing Frankrijk. Prijantoe waoe priksa kawontenaning lodji Samaitan ingkang dipoenanggé Grédja, kati-ngal sanget anggènipoen kakenan ing panggalih, pandjenanganipoen ngantos kawedar pangandikanipoen mekaten: „Wah iki ora patoet ba-nget jèn kanggo Grédja, iki patoeté omahé wong miskin.”

Sasampoenipoen prijantoe waoe ngandikan kalijan sadèrèk Katholiek ing rikoe sarta lèrèging ginem ka-goengan karsa badé mbijantoe adeg-ing Grédja wonten Samaitan.

Kadjawi poenika ing salebeting woelan poenika oegi katah sadèrèk saking tn. Walandi ingkang kintoe dana, perloe kanggé mbijantoe adje-nging missie ing tanah Djawi, mila boten let dangoe ing Samaitan la-djeng dipoenajati kaedegan Grédja.

Wonten Centraal Katholiek di-poenkabarakan oegi, bilih sadèrèk kita Djawi toemoet mbantoe adeging Grédja ing Samaitan; pinten angsal-angsalaning dana, boten perloe koela seboetaken ing riki, djer koela manah mandar adamel koetjem kita. (Mila pantjèn nglingsemaken sanget. Red.)

Samangké Grédja Samaitan sam-poen mèh dados, kabekta saking katahing wragad, sanadjan ta sam-poen kabantoe ing sadèrèk pinten-pinten, wekdal sapoenika meksa ketjoepetan arta. Prakawis poenika kados boten anggoemoenaken, djer ngèneti kabetahaning missie boten namoeng kagem menggalih adeging Grédja Samaitan kémawon.

Pramila para sadèrèk mbokbilih ndadosaken danganing panggalih, Comité Grédja Samaitan, sanget-sa-net anggènipoen ngadjeng-adjeng dateng sih kadaman pandjenengan sadaja, keparenga maringi dana sa-kadaripoen, perloe kanggé soem-bang-soeroeng adeging dalemipoen Pangéran, ingkang mesti badé ada-mel rahadjengipoen sadèrèk kita Djawi ing wewengkon Samaitan ngrika.

Atoer koela kados tjepak koela poenggèl semanten kémawon, djer koela jakin sanget kagem prijantoe ingkang mila tresna ing Pangéran saha bangsanipoen mesti boten badé owel mboetjal arta moerih djembar-ing Kraton Dalem.

Ing wasana ingkang badé paring pandjoeroeng, keparenga ngintoena-ken kasép - kasèpiipoen tanggal 20 Oktober poenika dateng Comité:

P/a A. ADISOEBRATA  
R. K. Vervolgschool  
Toeri  
Sléman  
DJOCJAKARTA.  
Samaitan 28 - 9 - '30.  
Atas Comité  
Poen:  
A. M. D. G.

### Swara Tama kalijan sentana Hoevenaars.

Kala tanggal 7 Oktober poenika, Patjar Mèrah - kita tampi serat sa-king salah satoenggiling sentana-nipoen swargi Rama Hoevenaars.

Zeer Geachte Heer  
Patjar Mèrah.

Het heeft mij echt goed gedaan in Swara Tama het opstel te lezen, dat U er aan mijn Broer, mijn in-nig geliefden Broer, hebt gewijid. (Sw. T. 12 Sept. — Red.).

In zeer juiste woorden hebt U een gedeelte van zijn leven en stre-ven weergegeven.

Hoeveel de overledene ook voel-de en werkte voor de Europeanen hier te lande, hoezeer hem de stof-felijke en geestelijke belangen der Europeesche jeugd, der Europeesche armen en wezen ter harte ging, aan de bevordering van het godsdienstig en maatschappelijk welzijn der Ja-venen schonk hij met evenveel lief-de zijne krachten. De Javanen had-den in hooge mate zijne liefde, hunne belangen trachtte hij in dit gezegende land steeds meer op den voorgrond te stellen.

Uit dankbaarheid voor hetgeen U ter herinnering aan mijn lieven Broer schreef, zond ik U heden een kleine missaaltjes. 't Is weinig maar komt van een goed hart. Moge het U ook in uwe gebeden den mij zoo dierbaren overledene gedachtig doen zijn. enz. enz.

Serat ing nginggil poenika, soera-osisipoen kémawon makaten:

Sentana waoe mahjakaken gening panarimahipoen déné sadèrèk Patjar Mèrah damel goebahan wonten ing Sw. T. amèneti sédanipoen swargi Rama Pétroes Hoevenaars.

Swargi Rama P. Hoevenaars won-ten serat ngrikoe katjarijosaken sa-net anggènipoen anglabeti bangsa Éropah ing ngriki; sanget anggè-nipoen manggalih kabetahanipoen para nènèman, para miskin toewin laré lola bangsa Éropah. Kadjawi poenika taksih sanget manggalih karahadjenganing lahir - batosisipoen bangsa Djawi, lan anggènipoen manggalih waoe kanti katresnan ingkang wawratipoen sami kéma-won kalijan katresnanipoen dateng bangsa Éropah. Bangsa Djawi sa-net dipoentresnani; kabetahanipoen bangsa Djawi sanget katengenaken.

Minangka tjihtaning panarimah, sentana waoe maringi kitab - Mis Soetji alit, (— Mis en Vesperboek, wedalan *Turnhout Henri Proost & Co.* — Red.), sageda ing salebet-ipoen moemoedji ing Pangéran, sa-dèrèk waoe kèngetan dateng ingkang sampoen swargi.

Loemantar Sw. T. ngriki, redaksi ngatoeraken panoewoenipoen sadè-rèk Patjar Mèrah dateng sentana waoe.

Semanten oegi, Swara Tama ing-gih ngatoeraken panoewoenipoen, déné sentana waoe, amanggalih se-ratanipoen sad. Patjar Mèrah ing-kang sampoen dangoe toemoet tan-dang damel amemaès asrinipoen Swara Tama, sarana Ontjènipoen sekar gambir melati ingkang pine-tikan saking tamaning gagananipoen.

Anggèn koela metik serat ing nginggil wonten ing Sw. T. ngriki, poenika amargi kita redaksi angga-dahi pamanggih, panarimahipoen sentana waoe temenipoen boten na-moeng dateng kadang Patjar Mèrah; nanging oegi dateng pandjenengan sadaja ingkang tresna dateng Sw. T. Djer kita jakin sanget, bilih pan-djenengan sadaja, amargi maos Sw. T., ladjeng anjoenjoewoen ing Pa-ngéran amrih basoekining arwah-ipoen swargi Rama Pétroes Hoe-venaars, ingkang pantjèn katah sanget lalabetanipoen dateng Missie Djawi.

Pangadjeng - adjeng kita, redaksi Sw. T., sasampoenipoen pandjene-ngan maos pakabaran poenika, mo-gi saja kandel katresnan pandjene-ngan dateng Swara Tama ingkang toendonipoen badé moerakabi toe-mrap adjenging Sw. T. Tatantjeb-ing tjipta pandjenengan moegi tan-saha amboedidaja bédjnging poenapa gotrah Katholiek Djawi anggadhahi hari - warti (dagblad); djer kawon-tenan ing kiwa tengen sampoen tansah amitoetoeri soepados kita ladjeng ngawontenaken dagblad.

Moegi-moegi sageda kaboel!

Sadèrèk Simon Soedarma. †

Sadèrèk Simon Soedarma, kepala pamoelangan Standaard Djember, ingkang katah sanget lalabetanipoen dateng Missie ing ngrika, salebet-ipoen Minggoe kapengker tilar do-nja. Kita béla soengkawa. R. I. P.

## KABAR OEMOEM. INDONESIA.

Indonesia lan Suriname.

Djiwa ing Suriname poenika ing-kang bangsa Indonesia kirang lang-koeng sapragangsaliipoen.

Kala 31 Désèmber '28, djiwan-poen tijang siti wonten 58.000, tijang Hindoe 34.000, tijang Indonesia, 29.000, Neger 17.000, Indian 2000, Tionghoa 1700, bangsa Walandi ki-rang langkoeng 1600.

Djiwa ing ngrikoe sadaja dèrèng wonten 150.000.

Pos oedara.

Pos medal montor maboer ingkang kalampahaken toewan van Dijk, kala Setoe djam satengah gangsal sonten sampoen doemoegi Bandoeng, kanti willoedjeng.

Kasangsaran montor ing Madioen.

Kala Ngahad éndjing, kirang lang-koeng djam gangsal, ing Madioen wonten montor noemboek tilpoen. Ingkang noempaki t. mr. dr. H. Wes-tra rajinipoen resident Ngajodja, Njonjah Westra lss., sadaja 5, dja-ler 4, njonjah l mentas sami saking kamar bolah.

Toewan lan njonjah Westra kata-ton, nanging boten dados baja. Toe-wan Kromsigt goeroe gambar Mulo, ingkang pedjah.

Kawontenan ing Formosa.

Aneta mentas rerembagan kalijan toewan Oetsjida, tilas goepernoer Formosa. Tilas goepernoer waoe anjarijosaken: sampoen wiwit taen 1911 Formosa angintoenaken tijang dateng tanah Djawi perloe matitisa-ken pabrik-pabrik gendis ing ngriki. Wiwit kala semanten, pamedal ge-dis ing ngrika ladjeng mindak, ngan-tos sapoenika ing dalem sataoenipoen saged ngedalaken gendis 60.000 ton. Rosan ing ngrika saja saé.

Berahanipoen kaodem berah ing ngrika ratjak langkoeng katah tinim-bang ing tanah Djawi. (70 sèn).

Siti kaboedidajan gendis kala roe-mijin inggih njéwa, nanging sapoe-nika ingkang katah-katah sampoen toembas siti pijambak.

Kadjawi wos, ing Formosa ange-dalaken kamfer toewin pisang. Sa-taen - taenipoen pisang ingkang kakintoenaken dateng Djepang, pa-ngaos 10 mijoen Yen. Kadjawi poe-nika inggih katah tèh toewin sinaas-appel.

Oetek Indonesiër.

Asli Soematra.

Kirang langkoeng sampoen sa-ngang taen, prijantoe bangsa Soe-matrah asma Idris Soetan Pangéran, dados maha goeroe basa Mlajoe wonten pamoelangan loehoer ing Hamburg (Djerman).

Manoet pamiringipoen Aneta, t. Idris waoe kakintoenaken dateng Indonesia, dangoenipoen sataoen, kanggé njinaoe poenapa kémawon ingkang gagajoetan kalijan basa Mlajoe.

Pandjenenganipoen oegi badé nj-naoe gesangipoen tijang Koeboe sareng-sareng kalijan sardjana an-thropoloog ing Tropen -instituut Hamburg.

T. Idris waoe sampoen doemoegi Indonesia. Dep. Onderwijs ing ngri-ki paring pambijantoe.

Preloe kapèngetan, bilih pan-djenenganipoen poenika wedalan Kweekschool Fort de Kock, nglad-jengaken sinaoe dateng Nederland, ladjeng neroesaken dateng Hamburg.

Kambah bebaja pest.

Ing Dampit, Malang, katetepaken kambah sasakit pest.

Inlandsche Zaken.

T. Salamoen, tilas vice - konsol Walandi ing Mekah, sapoenika ka-bantokaken wonten ing kantor In-landsche Zaken. (A. I. D.).

Boten wonten peken malem.

Bédjnging taen 1931 poenika ing sawenèhing panggénan ing bawah Semarang, bokmanawi kémawon boten badé wonten peken malem, margi anggèti kawontenaning eko-nomi ing taen waoe mestinipoen saja rekaos. (Alg. Hdb.).

Ngobong majit.

Bédjnging tanggal 13 Oktober poenika, ing Kaliboeboek, 8 K.M. saking Singardja (Bali), badé won-ten majitipoen wanita kalih golongan inggil dipoenobong. Toenggil dinten kalijan waoe, ing Den Tjarik 18 K.M. saking Singardja) oegi wonten majitipoen bangsa Brahmana dipoenobong.

Teboe dipoen-gantos pantoen.

Locomotief njarijosaken, bédjnging wekdal giling taen 1932 poenika, ing Djawi Tengah wonten pabrik gendis kalih lan ing Djawi Wétan pabrik gendis tiga, gadah sedyu badé nanemi pantoen ing sitinipoen; dados boten dipoentanemi rosan.

Ing taen 1932 poenika waoe, badé katah pabrik ingkang boten poeroen nanem rosan, langkoeng-langkoeng ing papan ingkang pa-séwanipoen siti awis, oet. ingkang margi kadajan sebab warni - warni ladjeng andjalari indaking waragad.

## ONTJÈN SEKAR GAMBIR MELATI!

É M A H - É M A H K E N È M E N.

PARÉNTAH NANDANGI . . . WANITA KEDAH AMBIJANTOE!

Manawi kita badé madjeng, kedah oegi andandosi balé grija kita pijam-bak! Sasakit-sasakiting bangsa ngriki kedah kita oesadani! Kedah kita sir-nakaken!

Kala Djoemoewah kapengker, koe-la sampoen anggepok sasakit *boros* ingkang anggampilaken tijang kadji-ret ing lintah darat. Kadjawi sesakit rojal-rojalan, taksih wonten sasakit sanès ingkang sanget andrawasi. Lan, mamala waoe maratah ing sa-talatah Indonesia. Amila, kedah kita dokteri . . . . Poenapa???

Sasakit: *ngémah - émahaken laré èstri dèrèng diwasa!*

Koela ngatoeraken kawontenan ingkang koela ngertos. Ing Koedoes, tanah kalahiran koela, katah sanget tijang angémah-émahaken anakipoen èstri dèrèng diwasa. Malah inggih boten sakedik, laré èstri taksih oemoer 7 oet. 8 taen dipoenidjab-aken pikantoe *djaka toewa* oetawi *doeda sepoeh*. Malah kerep kalampah, laré èstri taksih baji, dipoenpatjang-aken kalijan djaka. Wonten tlatah ngrikoe, (lan oegi ing pasisir lèr sanèsipoen), . . . pandjenengan badé kerep amranggoeli *kjainipoen* sam-poen kaki - kaki, *njainipoen* taksih nèm sanget.

Wondéné anggènipoen sami nin-dakaken makaten poenika, limrah-ipoen margi:

a). badé nglanggengaken sadè-rèkan;

b). mélik banda.

Mangka, kawontenan makaten poe-nika namoeng sarwa mitoenani! Saged:

amitoenani kasarasaning badan-ipoen laré èstri; angrisakaken toewoeh; ambobrokaken kasoesilan wanita; damel rekaosing *panggesangan-ipoen* anak - bodjo; (Mangga di-poenpanggalih! Kjai sampoen kaki-kaki, njainipoen taksih enèm sanget. Ingkang djaler mlebet koebroeran, ingkang èstri, kantoen anggana, ngopèni anak, gèk anakipoen katah pisan! Pintena manawi ladjeng pa-djeng émah - émah malih! Manawi boten, poenapa boten adamel ngre-kaosing panggesanganipoen???)

Ènget sadèrèk! Ingkang kèntjokan sesakit makaten poenika boten na-moeng Koedoes kémawon. Maratah ing satalatah Indonesia!

Paréntah inggih ngawoeningani kawontenan boten saé poenika.

Ing *Serat Ideran* katitimangsan Bogor kaping 14 Dec. 1925 no. 403x sampoen andawoehaken dateng para pangageng nagari ing tanah Djawi, Madoera toewin Sabrang, soepados para pangageng gewest toemindaka ing sasaged-sagedipoen amrih itjal-ing émah-émah kenèmen waoe.

Ing Serat Ideran anjarijosaken, Paréntah boten saged nanggoelangi prakawis poenika sarana ngawon-tenaken papatjak ingkang ginan-toengan paekoeman. Regeering ka-goengan kajakinan: pangaribawani-poen para prijantoe pangrèh pradja bangsa Indonesia, mesti ageng sa-net dajanipoen dateng leboering *kinderhuwelijken*. Amila para pa-ngageng Indonesiers (Boepati lss.) sami kinarsakaken toemandang ing sasaged-sagedipoen soepados sasakit kaseboet nginggil, saged itjal saking Indonesia. Pendak nem woelan sa-pisan, tanggal 1 Januari lan 1 Juli, para pangageng poenika waoe, ke-dah damel palapoeran tjatjahing laré idjab kenèmen ing bawah ngri-koe. Poendoetan makaten poenika, karsanipoen Paréntah sageda anda-jani dateng toememenipoen para pangageng anggènipoen ngitjalaken *kinderhuwelijken*.

Kadjawi poenika, Paréntah ka-goengan karsa badé angedalaken boekoe basa Djawi toewin Mlajoe

Lan, manoet *Mataram*, boten mo-kal manawi ing tanah Kedjawèn inggih tjalon katah kaboedidajan ingkang nindakaken kados ing nginggil.

Manawi kalampahan makaten, poenapa ing ngriki inggih badé ladjeng mirah wos?

Radja pedjah.

Salebetipoen minggoe kapengker ing Betawi wonten radja pedjah. Elias Simon Djoentak, klerk De-partement Financiën, wonten saan-tawisipoen departement kalijan ka-mar bolah „Concordia” dipoen-pradja kapénakanipoen anama Silitonga. Ingkang medjahi waoe ngaken kémawon, lan soemerep majiting pamanipoen inggih boten

ingkang anerang - nerangaken kapi-toenènipoen laré kenèmen kaémah-émahaken.

Nanging, . . . . poenapa Paréntah sampoen angedalaken boekoe maka-ten waoe, . . . . koela boten mangertos.

Kaseboet ing Sirkoelèr, oegi mratélakaken soepados para kawoela Indonesia sageda toewoeh manah-ipoen pijambak, ambijantoe Regee-ring anjirnakaken émah-émah taksih kenèmen.

Dados, tétéla Paréntah angihitjari itjalaken sasakit kaseboet nginggil.

Nanging, manoet tjarijosipoen *Alg. Ind. Dagblad*, tjatetan-tjatetan kin-derhuweljik ingkang kaladosaken saking pangageng gewest wiwit Januari 1926, anedahaken bilih: *tja-tjahing kinderhuweljik ing satanah Indonesia boten soeda lan inggih boten mindak* . . . . De ( . . . ) aan de regeering ingediende statistische op-gaven omtrent de in geheel Nederl.-Indie aangegane (zoogenaamde) kin-derhuwelijken, toont aan dat het aantal dier huwelijken over geheelen archipel, ( . . . . ) er niet op verminderd is, ook niet vermeerderd.”

*Boten soeda lan inggih boten mindak!* Dados, gerbanipoen: adjeg kémawon. Sami oegi kalijan *boten wonten sirkoelèr*.

Ing palapoeran ngrikoe, mraté-lakaken bilih idjab kenèmen waoe ingkang katah sanget ing tanah Soematra. Èstrinipoen oemoer 8 à 10, djaleripoen 14 à 15 taen.

Kawontenan „ora moendak ora soeda” poenika toemrap para pa-ngandjoering bangsa saestoe adamel prihatos. Poenapa ingkang tampi sirkoelèr boten ngemen-emenaken? Mokall!

Ing dalem rembag *kinderhuweljik*, pantjèn wonten prakawis ingkang kerep dados sasandoengan. Inggih poenika: *oemoer - oemoeran!*

Adat ingkang sampoen, bangsa kita poenika gampil sanget „nje-poehaken” oetawi „ngenèmaken” oemoer. Oemoer 8 oet. 10 taen ka-akenaken 13-14, inggih sakétja ké-mawon. Saja manawi ngleresi laré-nipoen longgor.

Manawi koela boten kalèntoe, saben wonten baji lahir poenika mesti kalapoeraken ing kaodem da-teng kepala doesoen ( — dédé la-poeran burgerlijke stand — ). Amila, kanggé amèkani sampoen ngantos wonten pangantèn dipoensepoeha-ken oemoeripoen, poenapa boten saged pangoeloe neda tjatetan oe-moering laré, awawaton pèngetan ingkang dipoenlapoeraken ing kaoem waoe?

Alija saking poenika, kanggé pre-loening aksi ing nginggil, tijang ingkang kadjabah ngidjabaken, ing-gih sampoen ngantos gadah *kamè-likan*. Liripoen, sampoen ngantos poeroen *dipoenbeseli*.

Ing nginggil sampoen kapraté-lakaken, kaparengipoen Paréntah tetijang soepados samia poeroen toemandang pijambak ambijantoe karsanipoen babagan poenika.

Sagedipoen karsa makaten waoe kalampahan, kedah oegi pikantoe pambijantoeipoen golongan prijantoe pangrèh pradja toewin *goeroe*. Awit, golongan kakalih poenika pantjèn ingkang tjaket pijambak kalijan kawoela alit. Samboeng-ra-petipoen sakétja.

Kadjawi poenika, sadaja pakem-palan sosialis, *langkoeng - langkoeng pakempalan wanita*, kedah toemoet tjantjoet, anggenah-genahaken awon-ing kawontenan ing nginggil, dateng tetijang katah!

Kumuningsaselé 5 Oktober '30.

Taklim: PATJAR MÈRAH.

katingal getoen. Kalih - kalihipoen sami bangsa Batak. (Ant.)

Gègèran bangsa Dajak.

Wonten pawartos bilih bangsa Dajak ing paredèn antawisipoen Pasisir kalijan Kandangan (Borneo) sami ngraman mengsah ratoenipoen, ingkang ladjeng mardikakaken titi-jang boten soesah ambajar paos toewin nglampahi ajahan goegoer-goenoeng.

Pangageng distrik Kandangan ka-lijan patroli sami andatengi papan waoe. Wonten bangsa Dajak kalih dipoentahan, sarta saladjengipoen kawontenan ing ngrikoe ladjeng tentrem.

Nabi énggal.

Kala 22 September poenika, poe-



**M. v. BIENE.**

Toekang herlodji  
dan Toekang emas.

Adres jang  
moerah

DJOKJA BANDOENG  
Telf. 252 Telf. 226

boeat LONTJENG, HER-  
LODJI dan PERKAKAS  
EMAS.

Pembatja  
**SWARA TAMA.**  
dengan bawa lembaran  
Swara Tama  
dapat POTONGAN.

Manawi pandjenengan badé pirsu  
kawontenanipoen ébah - ébahanipoen  
sadèrèk Katholiek wonten ing madya-  
ning politiek, moegi karsaa lengganan

**SOEARA-KATHOLIEK**

ingkang sawoelan medal kaping tiga.

Adrès: P.P.K.D.-KANTOOR DJOKJA.

Regi: f 4.— ing setaoenipoen.

Boeat toean poenja

**ERCEE**

APOTHEKEN

**Rathkamp**  
& Co

MALIOBORO 15 DJOKJAKARTA.

AGÈNT KANGGÉ SALEBETIPOEN  
NGAJOGJAKARTA.

Sepeda-sepeda merk:  
SIMPLEX Cycloide, S. djené, S. petak sarta Simplex Transfer.  
HIMA: Wassenaer, Rondrit, Oranje sarta Woestduin.  
TOURIST: A. A. sarta A.

Sedija oegi sepeda merk:  
RAY — SWIFT — GRUNO — HUMBER — VIALLE —  
BURGERS E.N.R. — KROON — NATIONAL — BERGKONIG.  
Sarta malih sepeda mirah wiwit pengaos f 55.—, f 65.—, f 75.—  
saprabotipoen: Klinting, pompa, lentéra sarta tas isi perka-  
kas koentji sarta wadah lisah.

Mentas tampi per S.S. Slamet sarta JOH. de WIT sepeda merk:  
ROVER Imperial, continental, The Rover sarta Metallicus.  
Sedija oegi Djas djawah, Kopper, Lentéra Stormking, Lemantoen  
tosan sarta tjèt wènter.

PENJADÉJAN KENTJENG SARTA KATJITJILAKEN.  
Menawi perloe moendoet katerangan, badé kakintoen pratélani-  
poen kalajan lelahanan.

Njenjadang Welingan.

Rijwielenhandel Reparatie-inrichting en Smederij:  
„WIRJOSOESENO”

Lodjiketjil 16. NGAJOGJAKARTA Telf. No. 13.

**TOKO BARANG - BARANG**  
**H. SPIEGEL — Djokja.**

ADRES JANG PALING BAIK, boeat:

Eetserviezen — Theeserviezen: f 5,75.  
Perkakas dari gelas, dan perkakas dapoe;  
Kereta dan korsi boeat anak - anak;  
Tempat tidoer, lampoe gasoline, dan  
— permainan boeat anak - anak ketjil. —

SEMOEA BARANG PALING DJEMPOL, DAN  
MOERAH SEKALI!

**Toko DJOEN & Co., Djocja.**  
PATJINAN MOEKA TOKO FUJI — TELF: No. 374.

Adres jang paling moerah dan paling baik  
boewat pembikinannja.

**ROTIE-ROTIE, KOEWEE-KOEWEE dan  
BESCHUIT-BESCHUIT KERING.**

**SROETOE-SROETOE dan ROKOK-  
ROKOK, jang haloes dan kasar.**

Djoega slamanja djangan loepa minoem kita  
poenja KOFFIE BOEBOOK, jang speciaal die  
giling dengan machine Electricies, bisa giling aloes  
dan kasar, menoeroet pembellie poenja perminta'an  
die tanggoeng sampee menjenengken, harga per  
pond f 0.90.

Bolih dateng saksiken!

Memoedjiken dengan hormat  
**Toko DJOEN & Co.**

**ARTISTICO CALCARIUM.**

Waternverf nomer satoenggal, tanpa ganda, woedjoed  
boeboekan, jèn badé nganggé mawi dipoentjampoeri toja  
limrah oetawi bentèr, kanggé ngetjèt pian, témbok lsp.  
Saged toembas warni 40 dalasan warni salaka lan mas.  
Jèn warni waoe katjampoer - tjampoer, tjatjahing warni  
saged tanpa wates.

Satoenggal boengkoes à 1 Kilo, . . . . . f 0,90.  
(mawi rékanipoen nganggé)

Calcarium salaka saben 1 H.G. f 0,50, saben 1 Kilo „ 4,25.

Calcarium mas „ 1 „ „ 0,55, „ 1 „ „ 4,75.

Sikat Calcarium lan Sablone.

Sikat Inggris, petak, gèpèng.

**VERFFABRIEK R.B. FRIELING**  
GONDHOMANAN 80 DJOKJA TELEFOON NO. 784

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.-7.30.	Lamah 5.30-6-8.	Pekalongan 5) 6.30-8.	Kepandjèn 6-7-9.
Amboina 7.30.	Lawang 5) 7.	Pemangkat 8.30.	Anita Boul. 6-7.30-9
Bagan Siapi-api 7.30.	Madioen 6-7.30.	Poerwokerto 7.30.	Soerakarta 6-7-8.30.
Bandoeng 6-7.30-9.	Magelang 7-9.	Poerworedjo 7-8.30.	Tandjoeng Balai 7.30.
Benkoelen 7.30-9.	Makassar 6-7.30.	Pontianak 7-8.30.	Tandjoeng Karang 8
Blitar 7.30.	Malang 6-7.15-8.30.	Probolinggo 7.30.	Tandjoeng Sakti 7.30.
Buitenzorg 6-8.	Manado 6-7.30.	Salatiga 7.30.	Tara-Tara 7.30.
Cheribon 7.30.	Medan 6.30-8-8.30 (tjina).	Sambas 6-8.30.	Tegal 6.30-8.
Djember 7.30.	Medari 8) 7.30.	Sambong 8.	Tering 7.
Djokja:	Meester Corn. 7-9.	Sawah Loento 7-8.30.	Tjilatjap 8) 7.30.
Kampementstraat Eur. 7-9.	Mendoet 6-7.30.	Sedajoe 7.	Tjimah 6-8.
Jav. 6-8.	Modjokerto 6-8.	Sedjiram 5.45-8.30.	Tomohon 7-8-9.
Kota Baroe 6-7.30.	Moentilan 5-6-8.	Semarang: 6-8.	Wates 7) 7.
Djombang 1) 7.30.	Muntok 8.	Gedangan 6.30-8.30.	Weltevreden:
Fort de Kock 7.30.	Ngawi 7) 7.30.	Bangkong 7.30.	Waterlooplein 5.45-7-9.
Gandjoeran 2) 7.	Padang 7-8.15-9 (tjina).	Tjandi 7-9.	Kramat 6-8-9 (mal.).
Gombong 3) 7.30.	Padang Pandjang 7.30.	Randoesari 6.30-9.	Wonosobo 8) 7.30.
Keboemèn 4) 7.30.	Pajakombo 7.30.	Singkawang 6-7.30.	Woloan 8.30.
Kediri 7.30.	Palembang 7-9.	Soekaboemi 5.30.	
Klatèn 7.30.	Pasoeroean 1) 7.30.	Soerabaja:	
Koeta Radja 6.30-8.			

1) 1e. Achad.

3) 2e. Achad.

5) 1e., 2e., 4e. Achad.

7) 3e. Achad.

2) 1e. + 3e. Achad.

4) 1e. Achad tiap 2 doea boelan.

6) 2e., 4e. Achad.

8) 3e. Achad.

lisi anjepeng tijang Mlajoe wonten  
ing peken Kampoeng Djawa Padang.  
Tijang waoe nama S. sarta sosorah  
wonten ngadjengipoen tijang katah  
ngaken bilih pijambakipoen dados  
oetoesaning Pangéran kadawoehan  
amemarah tetijang Islam. Sinten  
ingkang boten poeroen anggega  
pijambakipoen tjalon pikantoe  
bendoening Allah. Tijang waoe ga-  
dah djimat, pinang toewin dlan-  
tjang-dlantjang seratan Arab. (Sum.  
Bode).

**Modèlipoen djor-djoran.**

Manoet Java Bode, maskapé mon-  
tor bis B.V.M. ing Betawi, ange-  
dakaken taripipoen Harmonie dateng  
Betawi 7½ sèn. Kadjawi poenika  
ing serat sebaran amratélakaken  
bilih toemrap tetijang èstri pikan-  
toek soedan 20%.

Bokmanawi maskapé waoe ngang-  
gé lampah „wong wadon bisa  
anggegèndèng wong lanang.” Sinten  
ingkang badé niroe?

**Sinten ingkang tjalon dados G.G.?**

Manoet reraosan ing Den Haag,  
prajagoeng ingkang kasawoengaken  
anggentosi dados Goernadoer Djén-  
dral Indonesia, béndjing sakèndel-  
ipoen G.G. sapoenika, kadjawi  
Minister van Beelaerts van Blokland,  
taksih wonten malih ingkang di-  
poenraosi, i. p. *mr. Dr. D. A. P. N.*  
*Koolen*, warga Raad van State, saha  
ingkang sampoen tataonan dados  
pangarsaning Tweede Kamer.

**Katjilakan sepoer ing Soerabaja.**  
Boten wonten kasangsaran tijang.

Sepoer N. I. S. ingkang pangkat  
saking Tjepoe kala dinten Se-  
nèn éndjing, lan ingkang pantjèn-  
ipoen doemoegi Soerabaja djam  
8.46, wonten satjelakipoen Kan-  
dangan, margi wonten ngas ingkang  
poetoeng, andjlog. Gerbong wdhah  
lisah B. P. M. tjatjahipoen sadasa

goemoeling wonten sabin.

Kasangsaran tijang boten wonten.

**Kobongan ageng.**

**Kapitoenanipoen 25 èwoe.**

Ing kampoeng Tionghoa Soera-  
baja kala malem Selasa wonten to-  
ko barang-barang gading gadahan-  
ipoen bangsa Tionghoa kobongan,  
kapitoenènipoen 25.000. roepijah.

**Tilpoen radio.**

Wiwit woelan poenika, tilpoen  
radio kalijan Lithauwen sampoen  
kabikak medal Nederland. Tarip-  
ipoen sami kalijan manawi dateng  
Djerman.

**Dajaning pangiridan.**

Pabrik tèh ing Bajang Tenga lan  
Goenoeng Malintang manoet Sum.  
Bode, dipoentoetoe. Wiwit tanggal  
15 November ngadjeng poenika,  
poenggawa-poenggawa bangsa Eu-  
ropa toewin koeli-koelinipoen sami  
dipoenkèndeli. Koeli waoe wonten  
300 ingkang koeli kontrakan.

Wiwit tanggal 1 October, kaboe-  
didajan karèt ing Goenoeng Sin-  
dber dipoentoetoe.

Administratoeripoent E. Bueno de  
Mesquita, dipoentakshaken kanggé  
ngoeroes oeroesan-oeroesan ing ta-  
nah ngrikoe, margi Goenoeng Sindber  
poenika djembaripoen 1200 baoe.

*Dèli Crt.* njarijosaken ing Suma-  
tra Pss. Wétan wonten tilasan as-  
sistent wong katahipoen kinten-  
kinten 60—70.

Ing Medan wonten tilas assistent  
kebon dados sopir montor, lan Wa-  
landi waoe sapoenika késah dateng  
tanah Djawi perloe pados panda-  
melan.

Bokmanawi pangintenipoen ing  
tanah Djawi poenika kawontenan-  
ipoen langkoeng saé tinimbang ta-  
nah Soematra. Boten ngertosa ma-

nawi ing ngriki inggih katah tijang  
bloeloengan pados pandamelan.

**Ama lèpèn ing Siak.**

Sagedagan poenika, tetijang sa-  
kiwa tengenipoen Siak Sri Indra-  
poera sami prihatos margi dipoen-  
resahi baja.

Kala woelan kapengker, salebet-  
ipoen sakampoeng ing dalem kalih  
minggoe wonten tijang lan laré alit  
tiga welasan dipoen-glandang baja.

Malah nembé poenika, wonten  
laré kalih ngleresi adoos, oegi di-  
poen-glandang singa ranoe waoe,  
toedjoenipoen saged kapitoeloengan  
bakakipoen.

**Toek lisah énggal.**

Siti Kloewang lèr, gadahanipoen  
B. P. M. mentas pinanggih wonten  
toekipoen lisah latoeng.

**MANTJA NAGARI.**

**TIONGKOK. Wei Hai Wei ka-  
wangsoelaken.**

Tanggal 1 Oktober poenika, poelo  
Wei Hai Wei kawangsoelaken pra-  
dja Inggris dateng Tiongkok malih;

Wei Hai Wei poenika djembar.  
ipoen kinten-kinten 730 K.M.<sup>2</sup>, dji-  
wanipoen kirang langkoeng 180.000.  
doenoengipoen Lèr wétan pasisir  
djasirah Sjantoeng, Kabawahipoen  
Inggris kala taon 1898. Palaboehan  
ing ngrikoe dipoensantosani.

Poetoesan Vlootconferentie ing  
Washington kala akiripoen taon  
1921, anetepaken soepados Djepang  
amangsoelaken Sjantoeng dateng  
Tiongkok, semanten oegi Inggris  
inggih soepados mangsoelaken Wei  
Hai Wei dateng Tiongkok.

**BARITANIJAH. Kasangsaran  
montor maboer.**

Montor maboer Inggris R. 101,  
kala 5 Oktober, wantji djam sate-

**MATOER NOEWOEN.**

Dateng para Agoeng, para Prijantoen, para mitra,  
para sadèrèk ingkang sami paring pitoeloengan warni-  
warni saha pakoermatan, wiwit sakit doemoegi ngadjal-  
ipoen sadèrèk koela djaler ingkang sanget koela tresnani

**RADÈN SIMON SOEDARMO.**

Ingkang nalika tanggal 1 October tilar donja saha  
kakoeboer ing Djember tanggal 2.

Ingkang nandang soengkawa:

Moedjiat Martohadikoesoemo  
Soedarman Martodihardjo  
saha familie.

**PARANGAKIK. Pogokan.**

Tanggal 6 Oktober, koeli-koeli  
kaoem berah ing pamelikan ing Pa-  
rangakik, sami dipoenabani mogok  
sadinten sadaloe, minangka pangan-  
tjam dateng direksining pamelikan-  
pamelikan déné boten noeroeti pa-  
nedanipoen babagan bajaran ing  
salebeting liboer.

Sangang dasa nem presènipoen  
kaoem berah, ing dinten waoe boten  
sami dateng ing pandamelan.

**ITALI.**

Ing Roem wonten pawartos bilih  
sang praboe Boris ing Bulgarije  
patjangan kalijan poetri Itali retna  
Giovanna.

Sang nata Boris poenika Grieksch-  
Katholiek, joeswanipoen 36 taon;  
anggenipoen djoemeneng nata kala  
taon 1918. Déné poetri Giovanna  
joeswa 23 taon.

ngah tiga éndjing katjilakan wonten  
satjelakipoen doesoer Beauvais (Pa-  
ris). R. 101 waoe anpjebloeg, sarta  
moeroeb.

Ingkang noempaki tijang 53. Ti-  
jang ingkang wilodjeng, taksih ge-  
sang namoeng woloe, sami tatoe  
kobong, kaoepakara wonten grija  
sakit ing Beauvais. Majit ingkang  
pinanggih saweg 32.

Minister Luchtvaart Inggris, ka-  
toet tiwas.

Sang nata sakalijan pramésuari,  
bèla soengkawa.

**DJERMAN. Inggih kasangsaran  
montor maboer.**

Montor maboer oembalan, gadah-  
anipoen Berlijsche Lufthansa ma-  
boer dateng Weenen, wonten sa-  
tjelakipoen Dresden dawah andjeng-  
kelit. Sadaja ingkang noempaki,  
dalah ingkang nglampahaken, goeng-  
goeng tijang sanga, sami pedjah.